

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO**

Stručna služba za zajedničke poslove

Broj: 17-14-17266-10

Sarajevo; 07.05.2018. godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), u skladu sa članom 3. Uredbe o osnivanju Stručne službe za zajedničke poslove Kantona Sarajevo („Sl. novine Kantona Sarajevo“ br. 5/06 – Prečišćeni tekst) na preporuku Komisije za nabavku roba u postupku javne nabavke pod nazivom "Nabavka i isporuka računara i računarske opreme za potrebe organa Kantona Sarajevo" za LOT 1 – personalni računari (Zapisnik o pregledu i ocjeni ponuda broj: 17-14-17266-9 od 4.5.2018. godine, načelnik Stručne službe za zajedničke poslove Kantona Sarajevo, d o n o s i:

**ODLUKU
o izboru najpovoljnijeg ponuđača**

Član 1.

Prihvata se Preporuka Komisije za nabavku roba u postupku javne nabavke za **LOT 1 – personalni računari** i dodjeljuje se prvoplasiranom ponuđaču „**REBUS**“ d.o.o. Sarajevo, prema dostavljenoj ponudi broj: 000056/2018 od 20.04.2018. godine, i prema konačnoj ponudi nakon održane e-aukcije u ukupnoj vrijednosti od 41.399,00 KM (bez PDV-om), a ukupna vrijednost od 48.436,83 KM (sa PDV-om).

Član 2.

Prijedlog ugovora dostavit će se na potpis izabranom ponuđaču po isteku žalbenog roka u skladu sa članom 70. stav (2) Zakona.

Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, Ugovorni organ će postupiti u skladu sa članom 72. stav (3) Zakona.

Član 3.

Ova odluka objavit će se na web stranici ugovornog organa, [www:http: szp.ks.gov.ba](http://www.szp.ks.gov.ba), istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 17-14-17266 od 05.04.2018. godine – Nabavka i isporuka računara i računarske opreme za potrebe organa Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 49.900,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1230-7-1-39-3-25/18 dana 10.04.2018. godine u 10:49 h.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima : 1. "PRINTEX" d.o.o. Sarajevo; 2. "R&S" d.o.o. Sarajevo; 3. "BBS" d.o.o. Sarajevo; 4. " GODIMERC" d.o.o. Sarajevo, 5. "PLUS BA" d.o.o. Sarajevo. Rok za dostavu ponuda bio je 20.04.2018. godine do 14,00 h.

U skladu sa Odlukom o pokretanju postupka, Komisija za nabavku roba formirana Odlukom broj: 17-14-31300 od 20.10.2017. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 17-14-17266-9 od 04.05.2018. godine čini sastavni dio ove odluke i u istom je utvrđeno sljedeće:

- da je ukupan broj pristiglih ponuda sedam (7)
- da je blagovremeno zaprimljeno ukupno sedam (7) ponuda
- da nema neblagovremeno zaprimljenih ponuda
- da su sve prispjele ponude formalno-pravno ispravne, odnosno ispunjavaju formalno-pravne uslove za učešće u kvalifikacijama, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Tabelarni pregled prispjelih ponuda ponuđača za postupak javne nabavke za LOT 1 – personalni računari kako slijedi:

LOT 1 – Personalni računari

R.br.	PONUĐAČ
1.	„PROCOM“ d.o.o. Tuzla
2.	„GODIMERC“ d.o.o. Sarajevo
3.	„FRACTAL“ d.o.o. Žepče
4.	„R&S“ d.o.o. Sarajevo
5.	„ELUR“ d.o.o. Kiseljak
6.	„PRINTEX“ d.o.o. Sarajevo
7.	„REBUS“ d.o.o. Sarajevo

Rang lista prihvatljivih ponuđača i bodovno stanje nakon provedene e-aukcije za postupak javne nabavke za LOT 1 – personalni računari, kako slijedi:

<i>Red.br.</i>	<i>NAZIV PONUĐAČA</i>	<i>CIJENA bez PDV-a</i>	<i>BODOVI</i>
1	„REBUS“ d.o.o. Sarajevo	41.399,00	100
2	„GODIMERC“ d.o.o. Sarajevo	41.520,00	99,70
3	„ELUR“ d.o.o. Kiseljak	43.200,00	95,83
4	„R&S“ d.o.o. Sarajevo	43.300,00	95,60
5	„PROCOM“ d.o.o. Tuzla	47.690,00	86,80
6	„PRINTEX“ d.o.o. Sarajevo	48.246,00	85,80
7	„FRACTAL“ d.o.o. Žepče	50.643,00	81,74

U skladu sa kriterijumom "najniža cijena" - 100%, ugovor se dodjeljuje ponuđaču „REBUS“ d.o.o. Sarajevo u ukupnoj vrijednosti nabavke 41.399,00 (bez PDV-a) i ukupnoj vrijednosti od 48.436,83 (sa PDV-om). Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Stručnoj službi za zajedničke poslove Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

NAČELNIK

Fikret Jašarević

Prilog:

1. - Zapisnik o pregledu i ocjeni ponuda broj: 17-14-17266-9 od 04.05.2018.godine

Dostaviti:

2. Svim učesnicima u postupku
3. Stručnoj službi za zajedničke poslove
4. Komisiji za nabavku roba
5. a/a